



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2013. GODINU STRANKE ZA SREDNJE

Broj: 03-07-6-340/14
Sarajevo, 27. mart 2015. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Stranke za Srednje za 2013. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2013. godinu, utvrđeno je da je Stranka za Srednje prekršila odredbe člana 11. i člana 12. stav (1) i stav (3) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Stranke za Srednje za 2013. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Stranka za Srednje se finansirala iz sljedećih izvora:

Red. br.	Vrsta prihoda	Iznos u KM	Učešće u uk. prih. %
1	Članarina	0,00	0,00%
2	Prilozi fizičkih lica (3-a)	0,00	0,00%
3	Prilozi pravnih lica (3-b)	0,00	0,00%
4	Prihodi od imovine (3-c)	0,00	0,00%
5	Prihodi od pr.lica (3-d)	0,00	0,00%
6	Prihodi od poklona (3-e)	0,00	0,00%
7	Prihodi iz budžeta (3-f)	6.510,00	100,00%
8	Prihodi od propag. (3-g)	0,00	0,00%
9	Ostali prihodi	0,00	0,00%
I	Ukupni prihodi	6.510,00	100,00%
II	Kreditno zaduženje kod banaka	0,00	0,00%
Izvori finansiranja (I+II)		6.510,00	6.510,00

U godišnjem finansijskom izvještaju stranka je iskazala ukupne rashode u iznosu od 4.249,00 KM.

2. PREDSTAVLJANJE POLITIČKE STRANKE

Naziv političke stranke: Stranka za Srednje. Skraćeni naziv: SzaS.

Stranka za Srednje upisana je u registar političkih organizacija kod Kantonalnog suda u Sarajevu, rješenjem broj: R-I- 3/97 od 14.08.1997. godine.

Sjedište političke stranke je u Srednjem, Srednje bb.

Ovlašteno lice za zastupanje stranke je Đemal Kolak, predsjednik.

Prema podacima iz godišnjeg finansijskog izvještaja za 2013. godinu, Stranka za Srednje nema niže nivo organizovanja (entitetske, kantonalne, opštinske).

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Stranke za Srednje za 2013. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Stranke za Srednje obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Pregled i kontrola finansijskih izvještaja Stranke za Srednje vršeni su u periodu od 2007. do 2011. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Služba za reviziju izvršila je pregled godišnjeg finansijskog izvještaja Stranke za Srednje za 2012. godinu, nakon kojeg je izdat Izvještaj o pregledu sa mišljenjem revizora, nalazima i preporukama stranci da u finansijskom izvještaju prijavljuje sve priloge pravnih i fizičkih lica, vodi evidencije o prihodima i rashodima, da u izbornoj godini podnosi finansijske izvještaje na način propisan u članu 15.1 stav (1) Izbornog zakona BiH i da finansijske izvještaje koje podnosi Centralnoj izornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2013. godinu, utvrđeno je da Stranka za Srednje nije ispoštovala ranije date preporuke.

5. NALAZI I PREPORUKE

5.1. NALAZI

Stranka za Srednje prekršila je odredbe člana 11. i člana 12. stav (1) i stav (3) Zakona o finansiranju političkih stranaka.

Na osnovu obavljenog pregleda, utvrđeno je da Stranka za Srednje nije vodila poslovne knjige u skladu sa računovodstvenim propisima, niti je obrasce godišnjeg finansijskog izvještaja za 2013. godinu popunila u skladu sa Pravilnikom o godišnjim finansijskim izvještajima političkih stranaka, čime su prekršene odredbe člana 11. i člana 12. stav (1) i stav (3) Zakona o finansiranju političkih stranaka.

- (1) Pregledom je utvrđeno da Stranka za Srednje nije u skladu sa poreskim propisima, obračunala i platila porez na dohodak i pripadajuće doprinose na sredstva isplaćena fizičkom licu po osnovu naknade i računa za gorivo, niti je u poslovnim knjigama i finansijskom izvještaju iskazala troškove i obaveze po ovom osnovu.

- Uvidom u poslovne knjige i dnevnik blagajne, utvrđeno je da je iz blagajne Stranke za Srednje na osnovu Odluke Izvršnog odbora broj: 01/13 od 30.01.2013. godine isplaćena naknada za rad sekretara stranke u ukupnom iznosu od 1.330,00 KM. Pregledom je, takođe, utvrđeno da stranka nije u skladu sa poreskim propisima na naknadu isplaćenu sekretaru stranke obračunala i uplatila porez na dohodak i pripadajuće doprinose.
- Prema podacima iz poslovnih knjiga i finansijskog izvještaja Stranke za Srednje, utvrđeno je da su u 2013. godini izvršene isplate iz blagajne fizičkom licu po računima za utrošeno gorivo u ukupnom iznosu od 200,00 KM. Na osnovu izvoda iz poslovnih knjiga i dokumentacije koju je stranka dostavila, utvrđeno je da stranka ne posjeduje vozila i nema zaposlene.

Imajući u vidu da stranka ne posjeduje vozila, odnosno da nema zaposlene, a da je vršila isplate fizičkom licu po osnovu računa za gorivo, koje sa poreskog aspekta imaju karakter ličnih primanja, stranka je bila obavezna izvršiti obračun poreza na dohodak i pripadajućih doprinosa na iznos od 200,00 KM.

- (2) Uvidom u Dnevnik blagajne br. 01/13 od 31.12.2013. godine utvrđeno je da stranka nije pravilno vodila blagajničke evidencije. Pregledom je utvrđeno da je stranka sve uplate i isplate izvršene putem blagajne tokom 2013. godine evidentirala u dnevniku na godišnjem novou, tj. za period 01.01.-31.12.2013. godine. Takođe je utvrđeno da nalozi isplate nisu ispravni jer ne sadrže podatke o licu kojem su sredstva isplaćena i nisu potpisani od strane primaoca sredstava.

Naime, Stranka za Srednje je u poslovnim knjigama za 2013. godinu evidentirala troškove iz 2012. godine u iznosu od 1.063,80 KM. Kontrolom dodatne dokumentacije utvrđeno je da su ovi troškovi evidentirani samo na osnovu Naloga isplate iz blagajne br. 9 od 31.12.2013. godine, kao i da nalog nije potpisan od strane primaoca. Obzirom da stranka uz Nalog isplate nema prateću dokumentaciju, kao što su računi, ugovori i slično, nije moguće utvrditi u koju svrhu su utrošena sredstva stranke.

Takođe, Stranka za Srednje je u poslovnim knjigama evidentirala i nabavku računara u iznosu od 300,00 KM. Uvidom u Nalog isplate br. 04/13 od 30.04.2013. godine, utvrđeno je da su sredstva isplaćena na osnovu Odluke Izvršnog odbora stranke br. 02/13 od 27.03.2013. godine. Prema raspoloživoj dokumentaciji, stranka je u poslovnim knjigama nabavku računara evidentirala samo na osnovu odluke stranke, što ukazuje da poslovne knjige nisu vođene u skladu sa računovodstvenim propisima.

- (3) Pregledom je utvrđeno da Stranka za Srednje u finansijskom izvještaju nije prijavila nenovčanu donaciju koju je ostvarila korištenjem poslovnog prostora bez plaćanja zakupnine, čime je prekršila odredbe člana 13. i člana 18. Pravilnika o godišnjim finansijskim izvještajima političkih stranaka.

Uvidom u Izjavu od 14.03.2014. godinu utvrđeno je da je Stranka za Srednje za svoj rad u 2013. godini koristila prostoriju u vlasništvu fizičkog lica, bez naknade.

Takođe, stranka nije u godišnjem finansijskom izvještaju iskazala troškove zakupa, čime je prekršila odredbe člana 21. i člana 22. Pravilnika o godišnjim finansijskim izvještajima političkih stranaka.

- (4) Stranka za Srednje nije u obrascu 1 (opšti podaci o političkoj stranci) finansijskog izvještaja navela podatke o ovlaštenom licu za finansijske izvještaje, čime je postupila suprotno odredbi člana 9. Pravilnika o godišnjim finansijskim izvještajima političkih stranaka.

5.2. PREPORUKE

Preporučuje se Stranci za Srednje da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vodi tačne i potpune evidencije o svojim rashodima i obavezama,*
- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka,*
- *da poslovanje gotovim novcem svode na najmanju mjeru, te da naknade isplaćuje sa transakcijskog računa na tekuće račune fizičkih lica,*
- *da uspostavi poslovanje gotovinom putem blagajne i uvede obavezu vođenja blagajničkih izvještaja na dnevnom nivou uz obavezne priloge (nalog uplate i nalog isplate; dokumenta na osnovu kojih se vrše isplate putem blagajne). Poslovanje blagajne treba urediti tako da se razgraniče dužnosti odobravanja isplate, evidentiranja i isplate gotovine uz prethodno definisanje visine blagajničkog maksimuma, i*
- *da poštuje i druge zakone, prevashodno računovodstvene i poreske.*

KOMENTAR:

U ostavljenom roku, Stranka za Srednje nije dostavila primjedbe na Preliminarni izvještaj o pregledu godišnjeg finansijskog izvještaja za 2013. godinu.

šef Odsjeka za revizijske poslove, revizor

Sanja Tošović

šef Službe za reviziju

mr. sc. Hasida Gušić